

R. P.

CLAV

AQVAV

SOCIETATIS

PRÆPOSITI GE

INSTRV

Pro Superi

Ad augendum consere

tum in Socie



ANTVE

Apud JOANNES

M. DC.

SUPERIORVM

R. P.

3
C L A V D I I
A Q V A V I V Æ
SOCIETATIS IESV
PRÆPOSITI GENERALIS
INSTRVCTIO

Pro Superioribus
*Ad augendum conservandumque spiri-
tum in Societate.*



ANTVERPIÆ,
Apud JOANNEM MEURSIUM.
M. DC. XXXV.

SVPERIORVM PERMISSV.



A D
SVPERIORES
SOCIETATIS.

A NNI sunt propè septem ,
cùm missa sunt ad Pro-
vincias sex Capita , quibus
præcipua quædam Moni-
ta, quasi fontes spiritualis nostræ admi-
nistrationis continebantur , ad conser-
vandum augendūque spiritum in So-
cietate à R:P.N. Generali excogitata ,
& cum Patribus Assistentibus commu-
nicata: quæ posthac Superiores lectita-
rent studiosè ; & ad faciliorem commo-
dioremque gubernandi rationem præ-
manibus haberent. Quin etiam anno
antè eâ de re seriò moniti Pro-
vinciales, qui omnino efficerent, ut in suis Pro-
vinciis eorum copia Superioribus suppedi-
taret ,

taret , essetque exemplar penes unum-
quemque. Verùm cùm experienciâ com-
pertum sit , hæc à multis ignorari , ne-
dum à singulis legi atque versari , eo-
rumque inopiâ in Provinciis plerumque
laborari, quâ in exscribendo labore, quâ
sensu quodam , quo , nescio quónam pa-
cto, iis pervolvendis legendisque magis
oblectamur ac ducimur , quæ à typis lu-
cem accipiunt , quàm quæ in membranis
scripta delitefcunt ; ob id è re Societatis
fore, ac propè necessarium visum est , si
ea typis excusa ederentur : spe factâ , il-
lud omnino commodi ex hac editione
futurum , ut si suppeditante copiâ per-
volutari hæc incipiant , ac Superiorum
manibus teri, is quem tantoperè expeti-
mus , & ad quem tot conditæ leges , &
hæc ipsa capita diriguntur , fructus in
diem capiatur uberior (hoc est ea quæ
jubentur, exequi non remisè) & tantus
ac tam utilis labor non omnino irritus
red-

*reddatur. Quod equidem ut I' fictu-
rum planè confido, si ea diligenter, ut
par est, Superiores meditando commen-
tandoque perlegerint; sic pro certo habeo
facturos alacriter, cum P. Nostri vigi-
lantiam propè singularem experti, qui
totus est in elaborando perficiendoque
spiritu in Societate, intelligent ex hujus
aurei libelli commentatione non parum
emolumenti in subditos redundaturum.
Romæ, Kalendis Ianuariis. 1604.*

Mandato R.P.N. Generalis.

BERNARDUS de ANGELIS
Secretarius.

I N D E X

CAPITVM.

D	<i>De instruendis, formandisque Superioribus.</i>	
	Cap. 1.	pag. 7.
	<i>Circa executionem. Cap. 2.</i>	20
	<i>De spiritu & Oratione. Cap. 3.</i>	24
	<i>De Obedientiâ. Cap. 4.</i>	29
	<i>De Castitate. Cap. 5.</i>	36
	<i>De difficultate in gradibus acceptandis. Cap. 6.</i>	42

*De instruendis formandisque
Superioribus.*

C A P U T.

QVANDO QUIDEM post varias ordinationes, post crebras Superiorum ad officii sui curam excitationes, post visitationes denique, tum solemnes Provincialium, tum extra ordinem institutas Visitatorum, nondum tamen is fructus, nec spiritus incrementum aut fervor elucet, quem omnes optamus & quem ego ut omnibus modis procurem privato ac præcipuo muneris mei vinculo admoneor; in hanc cum Patribus Assistentibus meis deliberationem veni, ut ab Vrbe per aliquot hebdomadas secedentes, animum intento studio ad contemplandas detrimentorum nostrorum radices & remedia referremus. Re autem multis precibus & sacrificiis Deo Domino diligenter commendatâ, manifestò deprehendimus, reliquos omnes defectus ab uno executionis defectu tamquàm ex fonte manare: quia si ordinationes diversis temporibus editæ, imò solæ Regulæ ipsæ si observarentur, vix admodum esset, quod in studio perfectionis, religiosâque disciplinâ desideraretur. Et quoniam hæc ipsa executio maximâ ex parte pendet à Superioribus, propterea primum ac peculiare studium in eo ponendum esse censuimus, ut accuratè

Cur post multas & varias ordinationes editas optatus fructus haud extiterit.

Radix, executionis defectus.

Via executionis maximè ab optimis Superioribus pendet.

instruantur formenturque Superiores. Frustrà siquidem libri Reguls, Ordinationibus, ac Visitationibus implentur; si desint animata instrumenta, quæ spiritum subministrent, & vividam illarum praxim exercent. In hunc ergo finem operæ pretium ante omnia visum est de hoc capite pauca, quæ sequuntur, statuere, ut in posterum observentur.

Provincialis, dum Provinciæ suæ loca visitat, in singulis Domibus & Collegiis, cum Superiore ac Ministro Consultores etiam, eosque, qui aliàs gubernarunt, convocet: coramque cum illis Rectorum & aliorum Subordinatorum Regulas; Ordinationes item, Instructionesq; typis excusas legat. Vbi præter communem earum intelligentiam & declarationem, propria etiam cujusq; praxis, & quibus in eâ modis errari possit, sedulò pertractetur; ita ut practicæ quædam fiant conferentiæ de viâ & modo rectè gubernandi. Legant præterea, sed singuli privatim, S. Bonaventuræ libellum de Sex alis; tum deinde in medium adferant, si quid fortè inter legendum incidit, quod proponant. Neque abs re forsan fuerit, si semel in eo congressu recitetur etiam epistola nostra ad Superiores. Denique permagni futurum est adiuventi, si ad rem nostram & institutum adaptemus, quod S. Basilius in Reg. fus. dispūt. c. 54. suadet, ut celebrentur de iis rebus conferentiæ, in quibus labi proclive est; & quam quisque rationem in quorundam morbis,

A Provinciali in visitatione qua legenda & declaranda.

Quid cuique privatim legendum.

Conferentia habenda.

quorum difficilior ad tractandum natura & mores erant, ut illis mederetur secutus sit: quid denique in hoc illóve casu fieri oporteret, prolati in medium variis interrogatiunculis, & peculiaribus circumstantiis. Quam ad rem conferent juvabuntque, ut spero, aliquot Industriæ, quas ad spiritualium infirmitatum curationem appositas, ut eorum qui gubernare incipiunt, instructioni, aliorum etiam memoriæ serviant, propediem missuros nos confidimus; cùm adedò discrepans à corporum medicinâ, tantoq; quàm illa, difficilior sit hæc curatio, propter causas, quas Gregorius Nazianzenus Apologetico suo complexus est, & Gregorius alter Papa præclarè item explicat pluribus in locis. At Superiori privatim postea indicabit Provincialis, si quid fortasse in hoc illóve curando peccârit, & quomodò in posterum se gerere debeat ne aberrer

Proderunt industria jam editæ.

Quod ipsum cùm ad Domus cujuscumque visitationem accesserit, cum ejus Superiore & Consultoribus præstabit, aliisque de quibus dictum est. De singulis autem, re perfectâ, suis ad nos litteris perscribet; quos nimirum convocârit, & in hunc modum instituerit: quemadmodum successerint conferentiæ; quantum judicii unusquisque, & quantum in se spiritus ostendat; scribentque de iisdem etiam rebus singuli, tum ipsius Provincialis, tum uniuscujusque Collegii Consultores.

De quibus circa has conferentias Generalis monendus.

Nunc verò, ut ad ipsum Superiorum officiũ

Superiorum citata.

veniamus, ostendamusque quibus in rebus errare, ac muneri suo deesse possint; doceri debent, errores defectusque ex eo nasci, quod subditorum suorum morbos vel ignorent, vel negligant, vel foveant interdum ipsi, vel etiam augeant, vel eos denique exasperent & gravius exulcerent. Ad hæc enim capita quinque omnes hujus spiritualis medicinæ defectus revocari videntur.

*Ignorant sub-
ditorum
morbos.*

I Et ignorant quidem, vel quod ad actus ipsos extrinsecos, eò quod fidos vigilantesque syndicos non adhibent, non percontantur à quibus & quando sciscitandum est. Ministrum nec habent idoneum, nec fingere ipsi aut formare norunt. Filiorum denique suorum ægritudines paterno affectu ac sollicitudine non observant. Intrinsecus autē, quia aut consciētiæ rationem, quo par est modo, non exigunt; aut subditi ipsi minùs eis confidentes, aperire se penitus non audent; ita fit ut interdum durior quædam agendi ratio, & parum affabilis homines alienet; interdum opinio, quam de Superioribus suis quasi fūco & artificio utantur, animo conceperunt: quo quidem certior nulla pestis esse potest, cum accidere nihil possit, quod animos ab amore ac fiduciâ sic avocet, nihil, quod subditorum mentes magis excitet acuatque ut fucum & ipsi quærant, & res suas tectas atque occultas esse velint. Vnde sublatâ mox integrâ ac sincerâ sui ipsius erga Superiorem manifestatione, quam Regulæ nostræ

nostræ & Sancti Patres tantoperè inculcant, occluditur sine ullâ spe remedii via omnis & ratio totius auxilii spiritualis.

2. Negligunt, atque in deteriora labi sinunt *Negligunt.* multis modis: seu quia paternè ac sincerè non monent; seu quia laqueos & pericula non indicant, quæ subditi in suis illis defectibus non vident; defectuumque ipsorum radices ac fontes non patefaciunt. Id ipsum prætereà faciunt cum vel pœnitentias non imponunt, culpâque & errata non corrigunt, quod quidem pertinet ad disciplinam; vel damna non prospiciunt, nec illis occurrunt vel occasiones amputando, vel habenas revocando, quod spectat ad custodiam. Hæc siquidem duplex illa est cura, quam subditis præstari à Superioribus debere S. Bernardus affirmat.

3. Foventaluntque dissimulando, & con- *Fovent dissimulando.* nivendo, quasi non videant; relaxando, ac liberius interpretando, dispensando sine causâ legitimâ, ubi nec majus bonum cernitur; nec major Religionis, subditive utilitas, quinimò ubi & bonum minus est, & majus Religionis, subditique ipsius detrimentum. Quæ quidem laxitas & licentia plurimum haud dubiè damni affert, longeque ab illâ summâ curâ & sollicitudine distat, quâ filii Dei ad perfectionis statum ab eo vocati, educari tractarique debent. Ex quo & illa S. Ephræm præclara sententia omni certè memoriâ dignissima, *Eum, inquit, qui ceteris præest, peritissimum esse convenit, & ad consulendum*

Serm. de vita spirit.
num. 36.

dum salutis Subditorum vigilantissimum; utq; singulorum observet incessum, motum, gestum ac habitum, adhibita etiam debita earum rerum correctione, quæ minus conveniunt, ut ad optimum ea statum formamq; reducantur. Magistri enim non solum elementorum figuras Discipulis ostendunt, sed & minima quæque puncta, distinctionesque proponunt. Sic igitur oportet Prælatum nihil quantumvis minimum, quod ad salutem pertineat, omittere, quin id fratribus proponat. Huc usque illius verba.

Augendū placendi studio.

4 Augent porro humano quodam metu, dum placendi studio errata vel leviter tractant, vel penitus etiam tegunt & dissimulant. Idemque accidit, cum remedia opportuno tempore non admovent, quæ postea scilicet, cum morbus invaluit, alieno tempore & parum consideratè adhibere student; quando & lenia, quæ juvare suo tempore potuissent, inutilia jam facta sunt; & acriora sine gravi incommodo applicari nequeunt.

Exasperant acriori correctione.

5 Exasperant atque exacerbant, cum in ipsâ correctione stomachum potius quemdam, animique perturbationem, quàm sincerum charitatis affectum, commiserationemque præ se ferunt: cum acrioribus verbis rem exaggerant, iisque nonnumquam etiam mordacibus, & contumeliosis: cum acerbiora denique medicamenta ingerunt, quàm aut morbi vis requirat, aut ægri conditio & natura patiatur. Quo ex fonte mala plurima dimanant. Ideoque S. Gregorius ad Urbicum

Abbatem scribens, ex intemperato & incondito ejus agendi modo, dissolutam Monasterii regulam fuisse dicit. *Quod ex nullâ, inquit, aliâ re evenire valuit, nisi quia tua dilectio in regimine suo inordinata est; nec cum gravitate aliquid valet disponere, sed modò studet peccantibus leniter blandiri, modò inordinatè & extra modum nimium irasci.*

Radices horum malorum in Superioribus hæ videntur esse.

IGNORANTIA, seu oblivio muneris & par-
 tium, quas ab eis exigit officiũ: quia minime cogitant se medicos, pastores & patres esse: quòd non debeant nec verò possint relaxare aut dispensare dissipando, sed in iis tantummodò, in quibus constat talem illius, qui regulas & Ordinationes condidit, mentem fuisse. Quodque in omnibus rebus primas tenere oporteat non arbitrium sensumque gubernantis, sed exploratum ac certum judicium, ad majorem Dei gloriam fore id fieri, de quo agitur, quàm omitti. Non recordantur quod S. Basilius docet, Infirmorum onera & infirmitates portare, ita demum intelligi, cùm in iis curandis omnis fuerit adhibita diligentia. Non recogitant se patres esse, & patres non corporum, sed animarum; quique illius locum teneant, qui pater spirituum, ut Apostolus loquitur, ad id semper nos dirigit, quod utile est

*Ignorantia
 Superioris &
 oblivio mune-
 ris sui.*

est ad recipiendam sanctificationē ejus. Vnde cavendum ipsis est diligenter, ne gubernationem suam politico sensu & ingenio dirigant, néve humanis respectibus privata potius commoda finesque, quàm divinā gloriam, & subditorum perfectionem (quantumvis ipsi excusare se apud se, & malum hoc tegere studeant) spectantibus sinant se duci. Obliviscuntur denique se non unius cujuscpiam aut duorum Superiores esse, sed omnium, qui ipsorum curæ fideique commissi sunt. Quo fit ut in iis cernantur interdum privatæ in aliquos amicitia ac necessitudines, quæ offensionem in aliis subditis, & diffidentiam, æmulationemque pariant; tum suspiciones etiam non prorsus vanas, nec inanes, ne affectu aliquo infuscatæ, minusque sinceræ sint informationes, quæ ad mediatos Superiores transmittuntur.

*Exigua cura
interni
cultus.*

2 Negligentia, seu exigua cura rerum internarum: quia Superior, si curam spiritus, devotionis, & intimæ cum Deo conjunctionis, studiosè diligenterque complecteretur; rectū proculdubio erga se, aliosque in omnibus ordinem teneret. Idcò enim hoc studium Constitutiones nostræ, tamquam primarium ac potissimum in Superioribus requirunt. Et S. Bonaventura hanc veluti sextam, postremamque alam faciens, meritò dixit, sine eâ reliquas perfici non posse; cùm per illam zelus justitiæ accendatur, pietas compassionis erga fratres infundatur, patientia roboretur, exemplum

P. 4. cap. 10. §.
f. & p. 9. c. 2.
§. 1.

bonum condiatur, discretio denique clarificetur. Quamobrem necesse in primis videtur, ut & nos omnes in Superioribus deligendis in hoc Dei donum oculos intendamus; & qui ad id munus vocantur, donum hoc à Deo enixè petant, omnique studio prosequantur. Sed quàm necessaria sit iis, qui præsunt, hæc conditio, præclara extant & luculenta S. Basilii, & S. Chrysostomi, utriusque Gregorii, & S. Bernardi, omniumque, ut semel dicam, Sanctorum testimonia.

3 Omittere, aut perfunctoriè & sine attentione obire præscriptam horam considerationis. Nec enim dubium esse potest, quin Superior positâ obligationis suæ notitiâ, & bonâ ac rectâ cujusque voluntate, communisque Societatis boni, & subditorum auxilii desiderio, si vacuo atque attento animo ea considerare incipiat, quæ in eâ Ordinatione breviter indicantur; excitari se necessariò sentiat, impellique ad executionem. Veremurque non parum, ne ex hujus capitis defectu complures alii suboriantur, qui per Collegia in dies conspiciuntur, & post multa mōnita, Visitationes, ac litteras Provincialium, eodem tamen in statu sine remedio semper hærent. Propterea eodem ipso, quo tum temporis usum sumus, ac majore etiam studio & contentione ordinationis illius curam observationemque commendamus.

4 Est & alia malorum radix longè perniciosiss- *In rebus externis occu-
patio.*

ciolissima, eoque periculosior, quò minùs vulgò noxia censerì solet, rerum scilicet externarum occupatio, in quam Superiores ferri ut plurimùm, ac variis nominibus supra modum effundi solent. Sunt enim qui naturæ quadam propensione ad distractiones proni, non solùm oblatas occasiones cupidè arripiunt, ut operam suam impendant, sed eas ipsimet ultrò quærunt, & nasci quodammodo ac succrescere faciunt. Alii ob rei familiaris inopiam, sic illis se totos tradunt, ut summa & præcipua subditorum cura in hoc uno sita esse videatur. Alii per speciem proximos lucrificandi, multis sese visitationibus implicant, iisque non modò non necessariis, sed parum etiam utilibus; atque in his ita versantur, ut à sæcularium moribus parum abscedant; adeò ut si rationes subducere velint, reperiant vesperi, cùm serò domum redeunt, se perexiguo fructu horas complures, non levi damno suorum commodis & consolationi, disciplinæque domesticæ utilitati subtractas, consumpsisse. Alii piâ magis specie proximos per consueta ministeria juvandi, erga devotulas aliquot operam suam ponentes, plus inde occupationis referunt, quàm fructus; ut necessarium planè sit remedium huic malo efficax adhiberi, cùm inordinatæ hujusmodi occupationes non solùm tempus eripiant, sed mentem quoque obscurent, & cor ipsum indurent: quò fit, ut

tacito

tacito sensu post aliquod temporis spatium homo nec opinans immutetur, longeque aliter affectum se deprehendat, quam suspicabatur. Hinc illa S. Gregorii homilia 17. memorabilis & assidue expendenda sententia: *Curis*, inquit, *secularibus intenti*, tanto *insensibiliores intus efficiuntur*, quanto ad ea, quæ foris sunt, studiosiores videmur. *Usu quippe curæ terrenæ a cælesti desiderio obdurefcit animus: & dum ipso suo usu durus efficitur per actionem sæculi*, ad ea emolliri non valet, quæ pertinent ad caritatem Dei. Vnde bene Sancta Ecclesia de membris suis infirmantibus dicit: *Posuerunt n.e custodem in vineis: vineam meam non custodivi. Vineæ quippe nostræ actiones sunt, quas usu quotidiani laboris excoimur. Sed custodes in vineis positi, nostram vineam minime custodimus, quia dum extraneis actionibus implicamur, ministerium actionis nostræ negligimus.* Neque vero hæc eo dicuntur, quod Superior aut necessitati rerum temporalium prospicere non debeat, aut illi à ministeriis penitus abstinendum sit: sed quo & illa ordine, modo, auxiliisque consentaneis procuret (quæ de re apposite S. Bonaventura in Ala quinta discretionis, in tertio gemmarum ordine) & hæc ita tractet, ut tantum ex illis sibi sumens, quantum ea quæ officii propria sunt, minime impediat; quidquid in eis temporis ponere potest, id in utilioribus rebus ponat, quæ subditis simul exemplo sint tum humilitatis, tum zeli animarum. Quod scilicet tum usu venit

Cant. 1. 6.

cum vilioribus & egentioribus personis operam navat, ubi constet majorem inesse laborem, & plus meriti, quam honorificæ vel speciosæ occupationis.

*Ignoratio
spiritualiter
medendi.*

5 Quinta est, artem nescire modumque curandi spirituales infirmitates : quia cum præpostere initur curatio, sperari salus vix potest. Et quoniam ex hoc fonte plurima incommoda nasci solent, ob eam rem statuta sunt, quæ de hoc capite supra diximus, quæ quidem Provincialibus unice commendamus.

*Impatientia
in perferendo.*

6 Sexta est impatientia in perferendis laboribus diuturnæ curationis : quia tametsi malum sæpe cognoscant, & medicinam ei facere incipiant ; attamen quia curatio hæc non unius aut alterius est hebdomadis, sed tempus longiusculum requirit, & infirmus reluctatur, paritque fastidium, defessi tandem fractique succumbunt. Ex quo sequitur, ut aut malum leviter tantum obducant, contentique sint externa quadam specie, sine effectu veræ ac solidæ sanitatis ; aut tædio certe victi, cum Provinciali importunius agant, ut subditus ille alio amandetur. Quod quidem longe mali plus habet, quam prima forsitan fronte videatur. Translato etenim huc illucque infirmo, cum ejus curam ex animo nullus amplectatur ; mutanturque in dies & medicus, & ratio curationis, fit ut æger ipse propemodum desperet, & ab omnibus Superioribus aversus, in maximas

mas angustias miser redigatur : eo quod abjecto jam pristino erga Societatem affectu , ad eum modum vivere nequit ; & Religione vicissim adeo gravem omnibus illum , ut Superior eum nullus habere velit , ac prope insanabilem reputante , quo res tandem emersura sit , facile est judicare. Quapropter necesse est , ut magna cum caritate & longanimitate , illius quisque infirmæ curam gerat , quem Dominus ejus fidei commisit : statuatque se in eo rem divinæ ipsius Majestati gratissimam facere (à qua proinde sperare , ac suis & aliorum precibus in hac curationis sollicitudine implorare opem debet , mercedemque amplissimam expectare) nisi forte hujusmodi aliquando circumstantiæ concurrant , vel ex parte Superioris immediati , vel ex loci , occupationisve , aut ipsius etiam infirmæ conditione , ut discretâ caritas Provinciali suadeat , illum commodius & fructuosius alio potius in loco curandum esse.

7 Septima & postrema , quod non det operam Superior , ut ipse aliis omnium virtutum exemplo præluceat , singularitatem declinando , & modum omnem procedendi , qui suspicionem præbere possit , ipsum imperio & gubernatione delectari ; specimen dando humilitatis , religiosæ paupertatis , caritatis , studii , amorisque laborum , & quod ad rem maxime facit , obedientiæ erga suos Superiores , non

Defectus boni exempli.

voluntatis solum, verum etiam iudicii, optando ab eis dirigi; monitaque illorum ac reprehensiones humiliter, & cum ædificatione, quando usuvenit, suscipiendo; nec contra ægre ferendo, curiosiusve, quis detulerit, observarit, scripserit, inquirendo. Et quia quod de exemplo dictum est, summi prorsus est momenti, multa utique hoc loco dicenda forent: sed nobis satis fuerit Sancti Gregorii verbis 24. Moral. concludere. *Necesse est, ut is, qui præest, quæ exempla subditis præbeat, solerter attendat: Et tantis se sciat vivere, quantis præest.* Subditque: *Non debet hominum ducatum suscipere, qui nescit homines vivendo præire: ne qui ad hoc eligitur, ut aliorum culpas corrigat; quod resecare debeat, ipse committat.* Hinc inde ergo se qui præsumt circumspiciant, ut sibi Et subditis vivant, ut bonum quod faciunt, Et intra sinum mentis abscondant, Et tamen ex eo ad profectum sequentium, exempla rectæ operationis impertiant.

Circa executionem.

C A P V T I I.

In executionem incumbendum.

IET, quoniam omnis, ut dictum est, conatus, non in novis ordinationibus condendis, sed in earum quas habemus, executione adhibendus est; necesse omnino fuerit in
hanc

hanc præ omnibus serio ac diligenter incumbi. Prorsus enim docet experientia, & incommoda, quæ inde nascuntur, liquido demonstrant; plus in hoc genere desiderari, quam aut bona tot Dei famulorum voluntas, aut prompta & simplex obedientia polliceri debere videantur. Id porro ex trium capitum aliquo nasci solet. Primum quod ignorentur interdum à Rectoribus nonnullæ Ordinationes, aut earum certe minime recordentur. Qui enim eas nesciunt, aut memoriâ non retinent, nec in promptu habent, quod præscriptum est; certum est, Ordinationum praxim exigere non posse. Satis autem constat, aliquos Superiores & Consultores suam nonnumquam ignorationem prodere, cum audiunt admonenturque extare de hac aut illa re talem Ordinationem.

Executionis defectus ex ignorantia ordinationum.

2 Alterum est, nimia quædam facilitas & indulgentia, quando, ut ante dictum est, parvi interesse putant, atque in manu sua esse arbitrantur, ut dispensent, & habenas laxent prout volunt; non aliter quam si quidquid conscio Rectore fit, idem continuo recte ac religiose fieri credendum sit. Qua nimirum opinione nulla Religioni perniciosior esse potest: quia non Regulas tantum, tot lacrymis & precibus à B.P.N. IGNATIO exaratas, sed Ordinationes etiam ac decreta, tot item consultationibus precibusque expressa, persuadere sibi deberent

Nimiam facilitatem & indulgentiam.

majoris esse momenti, gravioribusque malis declinandis condita fuisse, quam ut ab unoquoque Rectore concipi & comprehendere statim possit. Quod si nondum id assequi penitusque cognoscere potuerunt, hæc saltem opinio ac persuasio, quod in illis majus quoddam bonum insit, quam ipsimet intelligant; reverentiam illis atque auctoritatem conciliare deberet, ne tam leviter & pro arbitratu, perinde ac si res prorsus indifferentes essent, ab eis tractarentur. Hinc enim illa (quam S. Bonaventura describit) Religionum confusio, *quia pueriles mentes sibi met dimittuntur sine fræno retrahente à noxiis, & sine virga ad salubria compellente, aut ex negligentia seniorum, aut ex nociva condescensione. Sicut imprudens medicus, &c.*

3 Tertium est difficultas, quæ à subditis objicitur. Superiores enim, dum eorum in obediendo repugnantiam cernunt, & quod post crebra monita ac pœnitentias, nondum ut aliquid facerent, inflecti potuerint; partim ut altercationes devitent, partim quod emendationis spem nullam concipiant, nonnumquam etiam humano quodam respectu ducti, urgere amplius non audent. Res summi plane periculi, errorisque plena: quoniam si ei, qui obliquas scribendo lineas ducat, regulam applicare non ausis, perspicuum est, qualia tandè ejus scripta futura sint. At in hoc genere tanto gravius est periculum, quanto certius est ex licentia

De Instit.
Novit. p. 2.
c. 1.

centia libertateque agendi ut uelis, habitum ingenerari, per quem difficilius in dies evadat, ex regula alienoque arbitrio vitam ducere.

Remedia.

I C V R E N T Provinciales, ut Superiores locales omnino habeant & legant Ordinationes, horamque considerationis observent quam accuratissime.

Ordinationum frequens lectio, & horum consideratio.

2 Cum visitant, de hoc capite nominatim inquirent, & ad nos singulis ex locis referant, ubi & qua in re peccetur: singulis item in locis coram Rectore, ejusque Consultoribus Regulas & Ordinationes examinent, observando in quibus, & quas ob causas erretur; & quænam præscripta sint remedia.

In visitatione de executione inquirent & Generalem doceant.

3 Admonitor Provincialis, qui ejusdem socius, ut plurimum, esse solet, hoc ipsum peculiari cura inspiciat; illumque de eadem re commonefaciat, atque ad nos quoque quid fiat aut prætermittatur in hac parte, perscribat. Quod etiam juxta instructionem suam præstabunt uniuscujusque Domus & Collegii Consultores.

Provincialis admonitor id maxime curet.

4 Faciant Provinciales, ut Superiores intelligant, sibi que omnino persuadeant, eum qui gubernat, sola ipsa remissione plurimum nocere. Itaque non de iis solum, qui ea fa-

Remissionis damna.

ciant, quæ facere non debent ; sed de his quoque, qui quod facere debent , prætermittunt , dici non posse eos talentum habere gubernandi. Vnde necessarium erit, ut Provinciales mature de iis nos moneant , qui in hoc genere delinquant , ut mutari scilicet possint , & alii substitui , qui diligentius invigilent : quandoquidem Deo rationem recte reddere de mala eorum locorum gubernatione non poterimus , quæ ab huiusmodi Superioribus ex sancta ipsius voluntate non gubernantur.

De spiritu & oratione.

C A P V T III.

*Potissima
cura in ora-
tione.*

EX operibus ipsis imperfectionibusque quotidianis facile apparet , orationis, internarumque rerum studium haudquaquam in omnibus tantum esse , quantum esse res ipsa postularet. Idemque nobis contingit , quod vasculo cuipiam accideret , quod perangusti oris aditu modicam aquam accipiens , complures rimas haberet , quibus illa sensim efflueret. Quare præcipuam in hoc studio curam poni necesse est, quoniam & disciplina, & ministeria, atque, ut uno verbo dicam, omnia nostra recte habebunt , si spiritu ambulemus. Ad promovendum autem , quoad conferre huma-

*Promovenda
orationis
meda.*

na cooperatio potest, augendumque sanctum hoc studium, opportuna in primis hæc pauca videbantur.

1 Primum, ut in exhortationibus seriis, *Exhortationibus accendendi.* & cor ipsum petentibus, ad id crebro incitentur.

2 Excitentur identidem Præfecti rerum spiritualium. *Præfecti excitentur.*

3 Frequententur exercitia spiritualia, ita ut revera intelligant omnes, quantopere illis indigeant, quicumque conditorem suum agnoscere, & in ejus amorem ardentius inflammari desiderant. Et vero multis verbis minime opus est ad persuadendum, ut fenestram mane aperiat, qui lucem videre velit. *Frequens usus exercitiorum spiritualium.*

4 Exigatur primo quoque tempore per Superiorem, aut certe per rerum spiritualium Præfectum, ab omnibus domesticis ratio, quam orando tenent, tum circa materiam, tum circa modum ipsum: in eoque instruantur, ut cum fructu peragatur. *Exigenda ratio modò in orando.*

5 Fiant per aliquot dies solidæ circa examinandæ conscientiæ rationem exhortationes. Et quia non omnes forsân Rectores ex se habent, unde hoc præstare pro dignitate possint; operæ pretium fuerit, si Provincialis, quibus locis opus esse judicarit, nonnulla ad eos capita mature cogitata & expensa transmittat. Cureturque ut singuli hebdomadis unius aut alterius spatio, in hanc examinis

curam diligenter incumbant, suos in eo defectus observando, de impedimentis cum Præfecto conferendo, rationesque exquirendo, quibus utiliter fructuoseque id facere possint. Commendetur impense usus examinis particularis, ut si minus diverso, communi saltem utriusque examinis tempore peculiari cura exerceatur: in eumque finem publica & communis sit hæc animi contentio; ita ut Domi sciant omnes, in eo nunc loco ab omnibus operam dari, ut sese in examinis usu & studio perficiant. Sic enim fiet, ut non fervor solum major excitetur, sed major etiam gratia & influxus per communes omnium preces à Domino impetretur.

*Legantur
littera de re-
novatione
spiritus.
Extraordi-
narium spa-
tium dent
lectioni.*

6 Legatur attente & cum meditatione aliqua epistola nostra de spiritus renovatione.

7 Sumant singuli ad duarum hebdomadam spatium, tempus aliquod extraordinarium, quod lectioni spirituali tribuant, pro sua cujusque necessitate legendo ac meditando: in primisque de causis damnisque tepiditatis, de motivis ad Deo perfecte serviendum impellentibus, de iis demum, quæ sibi impedimento esse sentiunt: caput aliquod Gersonis, seu de imitatione Christi, S. Bonaventuræ, S. Bernardi, & similium, prout vel superiorum temporum experientia, vel ejus qui dirigit, consilium edocebit.

*Quarendum
de causis dis-
tractionis.*

8 Interrogent unumquemque Superiores
de

de causis suarum distractionum, occasionesque fortiter ac intrepide submoveant: gratum siquidem id illi esse debet, qui cum propositum habeat ad perfectionem contendere, obices omnes removeri ex animo desiderat. Et Superior ipse regulam suam constitutionemque servet, quam enixe studioseque commendamus.

9 Præmissa efficaci exhortatione de fructibus silentii, de damnis & periculis nimiae loquacitatis, de facilitate servandi in Societate silentii, serio admoneantur omnes, ut Regulam silentii minime obscuram illam, satique manifestam, observent: imponanturque transgredientibus pœnitentiæ. Nec alienum fuerit, si iis qui loquendo modum excedunt, hanc pœnam injunxerint, ut à communi recreatione abstineant; & tempus illud ab aliis segregati ponant in consideranda obligatione, atque utilitate silentii; aut alias item usitatas pœnitentias. Denique advigilent Superiores, ut vigeat prorsus hujus Regulæ disciplina, quæ multis in locis plus æquo, nec sine gravi jactura, negligitur. Verendum enim nobis est, ne qui plurimum colloqui & tractare inter nos, & cum proximis solemus, minus absurdum paulatim judicemus, frangi apud nos violarique silentium. Ita ut neglecto ejus, tamquam rei, quæ minimum offendat, studio, jaceat omnino regula, maneatque in solis libris

Exhortationes de silentio.

exara-

exarata. Quod vero servandi silentii permagna sit in Societate facultas, ei facile constabit, qui per tempora & occupationes orationum, examinum, studiorum, disputationum, ministeriorumque cum proximo decurrens, animadvertet, excepto utriusque recreationis tempore, quod silentii tempus non est, perexiguum esse spatium quod restat. Quo graviore utique censura & animadversione digna, majorque linguæ incontinentia ea videtur, quæ post tot occupationes, & post stata recreationum intervalla, vel modicum abstinere nequit à verbis non necessariis.

*Recreationes
religiosæ
obviantur.*

10 Adhibeatur peculiaris diligentia, ut recreationes religiosæ traducantur, quod eo tempore, nisi recte transigatur, refrigescat spiritus, plurimumque distrahatur. Advigiletur, ut non solum exterminentur obmurmurationes; sed explodantur etiam rerum novarum narrationes, libertasque & sæcularitas indecora. Designentur idonei syndici, submittanturque secreto boni aliqui ac spirituales, qui sermones sanctos, & religiosæ recreationi convenientes inducant.

De Obedientia.

CAPVT IV.

QUARTVM, in quo perfici summo studio debemus, est obedientia. Cujus etsi (quæ divina est misericordia) non exigua virtus cernitur in Societate, cujus subditi tantum cum alacritate tot periculis navigationum, tantisque locorum difficultatibus se committunt; & in missionibus, confessionibus, lectionibus, aliisque Instituti nostri exercitiis, magno animi ardore & contentione versantur; tamen cum ea sit hujus virtutis dignitas ac momentum, ut in ejus absoluta perfectione præstantissimos B. P. Noster esse voverit homines Societatis; inficiari non possumus, haud exiguum esse, quod in multis desideretur. Quo igitur ad perfectionis hujus apicem contendatur, suppleaturque quidquid uspiam deesse potest, hæc visa sunt suggerenda, atque ut re ipsa in usum veniant, sedulo commendanda.

In obedientia perfici debemus.

Qua iuvare possunt.

I Vt singuli dierum aliquot spatio Epistolam B. P. Nostri de Obedientia attente legant, meditenturque capita, excerptendo, quæ in ea sane insignia & plurima occurrent, tum de virtutis hujus dignitate ac præstantia, tum de ejusdem necessitate, gradibus, & perfectione;

Aliquot diebus legenda Epistolâ B. P. N.

ctione ; de impedimentis, motivis, & ceteris. Veniatque in mentem, quod à S. Basilio in reg. brev. interrog. 166. dictum est: cum quæssisset, *Quo animi affectu par illi sit obedire, qui ad mandati executionem sollicitet urgeatve? Non minore, inquit, quam quo parvulus vehementer esuriens, vocanti se ad pastum nutritici obtemperat cum alio in loco Dominus dicat: Meus cibus est, ut faciam voluntatem ejus, qui misit me Patris.*

Ioan. 4. 34.

Opus est animi robore.

2 Hoc persuasum habeant omnes, animi robore, ac virtute opus esse, ut ipsi nos vincamus in rebus arduis: crebras autem contradictiones, procurationes, ceterosque conatus, qui nonnumquam interponuntur, magnam imperfectionem denotare; proculque ab ea simplicitate, promptitudine, alacritate, reliquisque conditionibus abesse, quas virtus hæc requirit, & quas Constitutiones nostræ, baculi cadaverisque exemplo, declarant: non quo interdicatur id, quod eadem Constitutio & Epistola permittunt, ut Superiori proponatur, ita nimirum, ut præmissa oratione, & cum indifferentia, quæ ibidem præscribitur, eo denique modo id fiat, ut vere nihil aliud sit, quam repræsentare, hoc est, ob oculos Superioris ponere, totam ei curam rei expositæ relinquendo; sed quoniam alter ille agendi modus, quem diximus, non est exponere, sed vi quadam extorquere, voluntati suæ obsequi, occultisque cuniculis peragere,

gere, ut id demum fiat, quod ipse velit.

3 Superiores suavi ac paterna imperandi ratione utentes, liberum & legitimum ad orationem recurrendi tempus subditis concedant: leniant ipsi difficultates, & in circumstantiis aliquibus condescendant. Quod ad rem vero ipsam, fortiter adnitantur, ut subditi se ipsos vincant, fiatque id omnino, quod ad maiorem Dei gloriam, inferiorumque bonum conducit.

4 Si quando vulgares personæ intercedant, quæ privata potius benevolentia, humanoque instinctu moveantur, quam quod ad eos hæc cura pertineat; reiici à Superioribus debent, suaviterque moneri, ad ipsos non spectare, ut sese in talia ingerant. Quod si graves sint personæ, ut Consultores, aliive alicujus nominis Patres, benigne illos audiant: deinde vero si animadvertant levioris esse momenti, quod proponunt; hortentur, ut obedientiam ipsi potius promoveant, animum iis addendo, pro quibus intercedunt. Vbi autem sæpius repugnando, modum egrederentur, aut interponerentur etiam externi, tum diserte doceant sibi hoc ipso constringi manus, ne assentiri possint.

*Intercession-
es moderan-
dæ.*

5 Si subditus (ut fieri nonnumquam solet) *Quid si dur-*
duriorem se hac vel illa ex causa præbeat, ita *riorem se*
ut solam verbi *Nolo* vocem vitando, rem ip- *præbeat.*
sam præstare videatur; constantes nihilomi-
nus,

nus, fixosque manere Superiores oportet, illumque ad orationem & indifferentiam, quam regula jubet, hortari. Admoneant præterea, repugnando diutiusque renitendo, graviter peccari: nec expectari in Societate præcepta debere, ubi satis esse debeat signum ipsum indicatæ voluntatis. Ut sibi persuadeant se postquam se ipsos vicerint, tanto lætiores fore, tum ob quietem conscientia, tum ob fructum ipsum, quem magno cum merito ex victoria capturi sunt.

Non reformidanda recursus.

6 Non reformident immediati Superiores subditi recursum ad mediatos, nec propterea omittant obedientiam urgere: quin hunc potius expectent, quia mediati erit omnia, quæ ipsi egerint, confirmare; subditumque ad obedientiam inducere.

Causa inobedientia investiganda.

7 Serio moneantur nostri, ut causas, unde obediendi difficultas nascitur, investigent: reperientque non in una solum obedientia peccari; sed quoniam hæc, ut prompta sit, alias etiam virtutes supponit, altius infixum hære illarum defectum intelligent. Verbi gratia, si quid præcipitur, quod ab existimatione vel honore proprio alienum sit; difficultas obediendi oritur ex superbia. Hic igitur admo-
vendum examen, hic meditationes, & remedia applicanda sunt, considerando, quam inanis res ea sit, præsertim in homine religioso, qui sui contemptum, seque mundo crucifixum esse

esse profiteatur. Si opus aliquod imponitur vel officium, à quo ipsi abhorreamus, ex immortificata natura promanat: sin contra, deserendum est officium, ad quod propensiores eramus; ex eodem ipso inordinato ad officium illud, aut personam affectu proficiscitur. Si terret operis difficultas, fortitudinis est defectus; eodemque modo in similibus. Humiliemur itaque, & ad anteriora virili animo conitentes, gloriosam de nobis ipsis victoriam reportemus.

8 Intelligent Superiores se, cum suorum in hac parte defectus non cohibent, plurimum damni adferre tum subditis ipsis, tum etiam Societati. In illis siquidem minuitur virtus & meritum obedientiæ, minusque in dies apti, & minus tractabiles efficiuntur; non aliter quam equis meticulosus accidere solet, qui nisi stimulis incitentur, gravius semper ex omni re concutiuntur, & longius retrocedunt. Societati vero difficilior senlim redditur gubernatio, divinique obsequii cursus magnopere retardatur. Sublata enim ex Societate obediendi promptitudine, cum præcepti, ut dictum est, poenarumque usus, eo quod signum ipsum satis esse debeat, ordinarius non sit; in promptu nimirum est, quis tandem rerum nostrarum status futurus sit, animo prospicere.

*Superioribus
cohibendi id
defectus.*

9 Intelligent porro subditi, ex tot ejusmodi contradictionibus, intercessionibus, diffi-

*Vnde fit mi-
nus suavis
obedientia.*

cultatibus futurum, ut & minus suavis sit obedientia, & Superiores vicissim id præstare nequeant, quod de Præposito Generali agens Beatus Pater Noster 8. par. Constitutionum cap. 1. lit. G. ab illis exigit, ut subditorum scilicet arbitrio aliquid relinquunt, eis compatiantur, & ex parte etiam nonnihil aliquando indulgeant, cum videretur id posse magis convenire: quoniam hæc in subditis pariter supponunt obedientiam, ut plurimum, in ceteris rebus promptam, humilem, integram, cæcam, qualem denique ab eo descriptam videmus. Cum iis enim qui sic obedire consueverunt, potest & debet Superior in nonnullis indulgere, quippe qui hoc tum sine ullo vel subditi vel gubernationis suæ detrimento facturus sit. Cum iis vero, qui aliter se gerunt, aliterque fere semper affecti sunt, locum non habet illa Beati Patris Nostri admonitio; quandoquidem id magis, sicut ipse ait, convenire non potest, nec perpetuo item præstari hoc debet: quoniam id aliud non esset quam subditorum inobedientiam alere, eorumque infirmitatem confovere. Faciliora autem evadent omnia, si excitetur animus, ut in Superiore Deum agnoscat, nec certa quadam prudentiæ lege, qua una ad obediendum duci videmur, eo quod rem ita fieri debere judicemus, usquequaque moveatur; sed illum in iis etiam agnoscat, quæ ab hacce humana prudentia dissentire &

dis-

discrepare quodammodo videantur. Quam ad rem conferre haud dubie plurimum possent præcipui nonnulli ex antiquioribus, majorisque existimationis Patribus, si hanc de se fiduciam Superioribus præberent; ut extraordinaria nonnumquam in ipsis earum rerum exempla edere possint, quæ humana hac prudentia niti minime videantur, & in quibus Deus ipse in Superiore agnoscat. Ideo enim ad ista nos Beatus Pater Noster confirmabat tum doctrina, dum eorum ipsum instrueret, ut ipso etiam loquendi modo hujus rei nos quodammodo commonefaciat; tum exemplo ubi res tulit, magnæ interdum virtutis Patres vel ipse redarguens, vel publicas illis reprehensiones ac poenitentias imponi jubens: quod **IGNATIVS**, ut **IGNATIVS**, nulla prorsus ratione committendum censuisset. Ad extremum, ut caput hoc concludam, meminerint Superiores, debere se facem, sicut dictum est, aliis præferre, & exemplo illis præire, quemadmodum à Beato Patre Nostro præscribitur quarta parte, cap. 10. §. 8. eodemque modo qui primas in Societate tenent, ut est in parte octava, capite primo, §. 33.

De castitate.

C A P V T V.

*Qualis So-
cietatis pu-
ritas.*

CV M ea, quæ huic virtuti adversantur, ho-
nori divino, Societatis existimationi,
proximorum auxilio tantopere adversentur:
satis fore videbatur, si in mentem revocare-
mus quod in principio sextæ partis à B.P.No-
stro dictum est, enitendum nobis esse Angeli-
cam puritatem imitari & corporis & mentis
nostræ munditiâ. Sed quia necesse est quibus-
dam adjumentis & damna prævertere, quæ
suboriri possunt, & bonum Religionis nostræ
odorem conservare, ne unius cujuscpiam labes
in universum corpus redundet; è re etiam fu-
turum visum est, si nonnulla breviter commo-
neremus.

*Causæ hu-
jusmodi la-
psus.*

I Lapsus istos in bene constituta religione,
qualis per Dei gratiam est Societas, si quando
contingant, non posse nisi ex magna quadam
negligentia, longique temporis laxitate profi-
cisci. Quod quidem manifeste constat ex No-
vitiis: hi enim, si pravos sæculi habitus intuea-
mur, acriores haud dubie illos habent, & mi-
nus mortificatos: si virtutem, ejusque firmita-
tem, minus solidam minusque confirmatam: si
virtutum exercitia, aut sensuum mortificatio-
nem,

nem, multis partibus brevior: si noxias rerum species, magis vividas, & magis impressas: si usum orationis & communicationis cum Deo, longe difficilior. Quare nihil est quod non persuadeat, illos ad lapsum proniores, & magis expositos esse. Et tamen novo suo fervore, sensuum custodia, tentationum manifestatione, occasionumque absentia, divina gratia juvante, in magna puritate conservantur. Ex quo intelligere est, ceteros qui diutius in hac schola versati sunt, quique frequentiori orationis, mortificationis, poenitentiarum, sacramentorum, aliorumque exercitiorum usu solidiores facti sunt, nisi omnem sui curam abjicere velint, posse Dei ope nixos, non solum immunes ab omni graviore labe servari; sed in dies magis in omni puritate, ac sanctimonia proficere.

2 Magna esse ad hunc finem, si recte illis uti noverimus, in Societate præsidia, ut sacramen-
torum frequentationem, rationem conscientiae, quæ Superiori reddenda est, errorum ac defectuum per eos qui extra confessionem illos acceperint, manifestationem; assiduam socii præsentiam, orationem mentalem, duplex examen, frequentem librorum spiritualium lectionem, otii fugam, studiorum laborem, sobrietatem, & poenitentias; modestiæ, castitatisque in aliis, quibuscum vivimus, exemplum; Superiorum vigilantiam, casuum reservatio-

Præsidia ad puritatem conservandam.

nem ; tot denique Regulas ad hunc eundem scopum tendentes : ut permirum sit hominem, qui tam multis præsidis septus sit , labi , nisi sensim pervertatur , & his omnibus auxiliis se ipse destituat, alia penitus omittendo, alia perfunctorie & sine fructu usurpando. Quo certe admoneri ac permoveri quisque debet , ut ad se ipsum animæque suæ statum cognitionem referat , memoria repetens quod à S. Bernardo dictum est , Neminem repente fieri turpissimum ; & naves submersas complures fuisse , dum in eas aquam sensim defluere sinunt , nec laborant , ut quamprimum exhauriantur.

*Tria Superioribus providenda.
Vt subditi spirituales sint.*

3 A Superioribus tria sunt diligentissime providenda :

1 Vt subditi spirituales revera sint , procedantque cum omni sinceritate , & desiderio perfectionis ; atque ut auxiliis, quæ diximus, rite fructuoseque utantur. Excubare sedulo in uniuscujusque curam debent , ita ut simul ac detrimentum aliquod jacturamque , aut remissionem spiritus animadvertunt ; mature succurrant, nec differant , quousque mala crescant & corroborentur.

Occasiones amputanda.

2 Amputent occasiones , quantumvis ægrelaturum subditum sentiant , quasi vel parum ipsi fidatur , vel nota aliqua inuri videatur ; quandoquidem qui malis occurrit , & exacta regularum ordinationumque praxi suos periculis

culis removet ; nullam justam suspicionis causam præbet , sed cautela utitur necessaria. Et quamvis nullum subesset periculum , (& vero superbus adeo nullus esse debet , ut se omni tempore, atque in omni occasione securum arbitretur ; cum S. Petrus post iteratum sæpius parati ad mortem animi propositum , post tam multa constantiæ promissa , quinimo post animi & fortitudinis suæ experimenta , cum in tot armatorum conspectu , manum ferro admoveere non dubitaret ; ad vilis mulierculæ vocem adeo gravi fœdoque casu prolapsus sit) attamen vel oblocutionum causas præcidisse permagnum est : atque ut hoc etiam deesset , ipsa nihilominus disciplinæ observatio per se laudabilis est , religioni decora atque honorifica , & meriti apud Deum singularis. Dispiciant ergo Superiores, quemadmodum cum proximis tractetur , seminarum visitationes, & proluxa colloquia fortiter , juxta instructionem , circumcidantur, præsertim, ubi levitas aliqua jocique cernerentur. Ingre-
diantur prorsus cum illis focii , semoto quovis respectu , serveturque ad unguem ordinatio nostra circa Reg. 18. Sacerdotum. Nec præ-
tereundum hoc loco videtur , quod S. Gre-
gorius talia reprehendens , ad Ioannem Sub-
diaconum scribit de Constantino Monacho:
*Cognovi quia ad Monasterium, quod in Piceni
Provincia situm est, solus pergere sine aliquo fra-*
trum

Lib. 10. ep.

22.

trum suorum præsumpsit: ex qua ejus actione cognoscimus, quia qui sine teste ambulat, recte non vivat.

Schedula & munuscula caveantur.

Schedulæ & munuscula clanculum data vel accepta, diligentissime caveantur: familiaritas tenuiorum & ignobilium feminatum, ut quæ suspitioni ac periculo magis expositæ sunt, procul omnibus modis habeatur. Earum cura & patrocinium ad temporalia subsidia conquirenda, nec suscipi, nisi magno delectu & cautione, permittatur; nec tractari, sine peculiari cum Superiore communicatione, atque ita dumtaxat, ut nec incommoda inde ulla, nec sinistra suspiciones nasci possint.

*Minus spirituales ut juvands.
Instru. pro
coad. rem-
por. s. 3. c. 4.*

Erga Coadjutores, qui in villis degunt, servetur exacte ordinatio. Erga eos, qui minus spirituales sunt, & distractionibus magis obnoxii, peculiare sit studium, ne periculis obiciantur, quia etsi nullam de castitate sua sinistram suspicionem præbeant; hujusmodi tamen homines occurrentibus occasionibus, quæ plerumque non desunt, tuti parum sunt: magnaque tum ipsis, tum Religioni sit injuria, cum velut oceano parva quædam cymba male tuta exponitur. Tales ergo parum solidi ad speciosa concionum, lectionum, & alia id genus munia non promoveantur, quæ opinionem famamque conciliant, & caros externis illos faciunt. Hinc enim adiguntur sæpenumero Superiores, ut de illis, vel circa locum, vel circa occupationes ea statuunt, quæ nec Societati, nec

nec subditis ipsis expediant. Quod si tandem accadat, quod hominibus spiritu vacuis evenire sæpe solet, ut aut sua sponte abeant, aut merito suo dimittantur è Societate; gravius inde fit scandalum, alienanturque quam plurimi; nec capere possunt, qua ratione homines, qui tanto cum applausu in ejusmodi rebus occupabantur, talem in statum redigi potuerint, nisi occultæ quædam persecutiones, & graves injuriæ intervenissent, quæ miseros & afflictos ad extrema consilia impulerint: aut si à Societate ipsa dimissi fuerint, quod durissimum censeretur non debeat, tam utile membrum, & de quo Religio ipsa tam illustria magnæ in eo fiducia ac satisfactionis argumenta dabat, illico amputari.

3 Si quid usquam accidet, quamvis id leve sit, quod minus rectum videatur, non prætermittant officium Superiores, ut commonefaciant, corrigant, & remedium statim admoveant: alioqui deterius paulatim fit malum, & tempore ingravescit.

*Levia non
prætermittantur.*

Doceantur confessarii, ne ex pia quadam opinione, quam habent de nostris, venialia omnia aut levia, atque extra periculum esse ducant: sed considerantes, quonam tandem res istæ, quæ parvæ videntur, evadere, quoque exitu terminari possint, nimis liberas conscientias extimulent, ruinas & præcipitia, in quæ ferri imprudentes possunt, ostendant: hoc

*Confessarii
nostrorum
monendi.*

unum esse, quod dæmon technis suis fraudibusque moliatur. Dent operam, ut pestiferas quasdam & nimis laxas opiniones penitus evellant, hoc, illudve non esse mortale, magni momenti non esse, necessarium non esse, ut distincte confitendo explicetur. Meminerint denique sic terram paulatim alluvione consumi, & cujusmodi puritas in Societate requiratur, ut omni cura invigilent, & mala prævertant.

*De difficultate in gradibus
acceptandis.*

C. A P V T V I.

*Graduum
difficultas.*

HOc unum est, quod ad Societatis pacem unionemque conservandam per magnam inter alia vim habet. Et quamquam per Pontificum declarationes sublatae fuerint difficultates non paucæ, minime tamen obscurum est, humanam naturam se ipsam semper quærere; multosque ex eorum etiam numero, quos virtutis disciplinæque in ceteris amantes esse constat, magnas, easque graves, in hac graduum materia pugnæ ac molestias experiri. Ceterum sperare in Domini bonitate, vocationisque gratia debemus, divinam
Maje-

Majestatem, quæ B.P. Nostro hanc graduum distinctionem, Societati usque adeo necessariam, inspiravit; obices etiam & impedimenta, quæ incurrunt, magis in dies magisque submoturam. Sed advigilandum nobis est, adn- *Servanda pro gradibus.*
tendumque, ut per exactam ordinationum eo spectantium observationem, Constitutiones ipsas in usum perducamus. Quam ad rem facient, quæ sequuntur.

1 Servetur accurate quod ex Decreto V. *Decretum V. Congr.*
Congregationis ad Regulam 15. & 57. Magistri Novitiorum adjectum est, ut aperte explicetur iis, qui ingrediuntur, &c.

2 Serventur Ordinationes hac de re con- *Servanda qua circa studia praescripta sunt.*
stitutæ circa genus tempusque studiorum, varia examina suis temporibus instituenda, perscribendum ad hos judicium, &c.

3 Ordinationes itidem circa tempus, quo *Qua circa tempus proponendi.*
proponi nobis debent, qui ad coadjutorum gradum promovendi sunt, ut præfixum spatium quam minimum prorogetur.

4 Erga eos, qui virtute sua parum se probant Societati, mature quod ad illorum studia, & circumspicte agendum est; ita ut aliis *Quid cum minus probata virtutis.*
occupationibus nonnumquam interrompantur; tum ut ipsi ex parte animum ab eis abducant, magisque in spiritu proficiant; tum ut hoc modo probentur, ostendantque quantum in obedientia processerint, ac præsertim in hac circa studia, & circa liberam sui ipsorum dispo-

dispositionem resignatione ; differantur certe , ut sensim perspiciatur quomodo se gerant : nam absolutis postea studiis, si recte illis successerint, insignisque adeo , quod interdum accidit, doctrina evaserint; obrepunt indidem tentationes, cum sibi ob scientiam & talenta quemlibet gradum deberi existimant : ægreque adduci possunt, præsertim post aliquot annorum curricula, ut agnoscant defectum virtutum satisfactionisque in ipsis tantum esse , quantus revera est ; & hunc unum promotioni suæ obistere atque officere merito debere. Ob hanc causam , quando eorum studia differuntur , aperte simul de imperfectionibus suis moneri debent : sic enim aut eos paulatim corrigent , aut causam certe suam Societas æquiores reddet : nec poterunt illi , quod subinde solent , causari se laudabiliter & cum approbatione semper vixisse , eo quod de suis defectibus moniti numquam fuerint , nec propter illos mortificati.

Ut exercendi, qui ad professionem minus idonei.

5 Non alantur in certa quadam spe assequendæ professionis, qui ob ingenii, aut virtutis , vel utriusque inopiam ad hunc postea gradum per Constitutiones provehi non possunt. Multoque minus in speciosis ac plausibilibus muniis exercendi erunt : ex quibus ubi famam apud imperitos , & eos quibus noti non sunt, aliquam collegerint ; hac vulgi postea opinione abuti solent , non modo ut testimonium id oppo-

opponant Societati, verum etiam ut semetip-
 sos ipsi decipiant, iudicium vulgi amplecten-
 tes, & de se sibi supra quam res habeat, mira
 persuadentes.

6 Nullo modo ferant Superiores, ut de co- *De gradu*
 adjutorum gradu abiectione quisquam loquatur, *coadjutorum*
 aut sentiat, præcipue ex professis: sed illos ar- *non abiectione*
 guant, mortificent, & instruant, docentes quo *loquendum.*
 ex spiritu talia procedant: & caritatem, obe-
 dientiam, fructumque proximorum, ea de-
 mum esse, quæ non solum apud Deum meri-
 tum, sed in Religione etiam benevolentiam
 apud Superiores existimationemque conci-
 lient. Hos esse operarios, qui tamquam mem-
 bra revera utilia, & tali corpore digna, in So-
 cietate pluris fieri, magisque foveri debeant.

7 Quandoquidem Constitutiones ex hoc
 Coadjutorum ordine Rectores, ut plurimum, *Coadjutores*
 deligi volunt; peculiari studio in eos intendant *Patres præ-*
 Provinciales, quos idoneos ad id munus anim- *ficiendi Col-*
 advertent: quoniam hos in primis, libentius *legiis.*
 que præ ceteris admittemus.

8 Quæcumque ad spiritum humilitatem- *Humilitas*
 que faciunt, eadem omnia ad graduum etiam *necessaria ad*
 facilitatem conducent: ex hujus siquidem de- *gradus.*
 fectu, & humana quadam æstimatione, exter-
 naque in paucis quibusdam specie, omnes hæ-
 molestiæ & anxietates promanant.

9 Speramus in posterum ob varias Ordi- *Antiquiores*
 nationes, accuratioremque aliarum Consti- *ut disponen-*
 tutionum *di pro gradu.*

tutionum praxim, leviores ac pauciores fore difficultates. Præcipuus nunc labor in antiquioribus erit, qui studia peregerunt, & de se ipsis præclare quidem sentiunt, sed longo intervallo, seu doctrinam, seu talenta spectes, ad eam formam accedunt, quam describunt Constitutiones. Verum & hic quoque in vocationis gratia confidendum est fore, ut difficultates omnes facile profligentur, si quam possumus, diligentiam adferamus. Quare si repugnabunt, suaviter primum instruendi sunt, quanta maturitate, secretis informationibus, multorum prudentium judicio, accuratisque examinationibus de ipsis actum decretumque in consultationibus fuerit. Inculcanda est promissio, quam Societati pacti sunt, gradum, quicumque designatus foret, acceptandi: quæ quidem, ut aliud nihil esset, tale certe pactum continet cum Societate, cum subscribit aliquis se legisse, intellexisse, &c. velleque quidquid inibi continetur observare, ut sine illo, hoc est, nisi ab eo iniretur, religionis aditu penitus excluderetur. Ex quo liquet eos, qui post hujusmodi pactum, multosque post annos, fidem ac promissa sua non servant, graviter omnino peccare, & iniuste agere adversus Societatem: multoque nunc magis accedente insuper V. Congregationis declaratione, quæ promissionem hanc votum esse declaravit. Et commiseratione sane dignum est, multisque lacrymis deplorandum,

randum, quod nonnulli aliquando in hoc genere responderunt, se quidem promississe, sed juxta Constitutiones intellexisse, juxta quas idonei sibi ad professionem esse videantur. Atqui judicium hoc nemo est, qui, nisi cæcus plane sit, non videat ad ipsos minime spectare: sed Religionis arbitrio singula permitti, cujus est de cujusque talentis judicare, &c.

Iuverit eosdem ad exercitia spiritualia cohortari, ut melius perspiciant, quam vim habent obligatio & vinculum, quo se Deo obstrinxerunt, ut ei reddant, quod promiscrunt. Scandalum illis ob oculos ponere, quod ceteris præbent. Denique monendi in unoquoque nominatim erimus de personæ circumstantiis, causisque quas adfert, de ejus dispositione, &c.

Ad spiritualia exercitia cohortandi.

10 Conferet ad extremum, si Provinciales & Consultores de uniuscujusque promotione, tum privatim tum publice, non ex compassione quadam & gratificandi desiderio loquantur, aut censeant; sed juxta interrogationum responsa, & juxta formulam Constitutionum, ac Decretorum. Nec complacendi studio præferat quisquam, se in contraria sententia fuisse; & hunc, illumve altius provehî posse, dotisque aliorum opinione majores habere; aut condescendendum, seu indulgendum quidpiam esse: quoniam hujusmodi omnia deliberationes plurimum labefactant, dissensiones excitant, animorumq; aversiones.

Sincera informationes instituenda.

Sed

Sed satis habeant singuli ex formula & Instructione, quod in Domino sentiunt, qua secreti cura decet, ad Præpositum Generalem perscribere. Meminerint hanc graduum distinctionem non in libris solum extare scriptam debere, sed reipsa ad Societatem conservandam, operariorumque numerum amplificandum necessariam prorsus esse; B.P. Nostrium Spiritus sancti ductu sic eam instituisse, ideo & retinendum ejus usum esse, & pervincendas, quæ in diem incidunt, difficultates; cum per Dei misericordiam non desint in eo gradu complures, qui non solum exemplo suo, ac virtute Societatem ædificant, sed eandem per ministeria, fructumque erga proximos cum magna in Domino laude illam adjuvant & sustentant. Romæ ultimo Julii, 1598.

I N D E X

R E R V M.

Castitas.

Distractio.

Q VALIS Socie-
tatis puritas, pag. 36
Causa hujus-
modi lapsus. *ibid.*

Prasidia ad eam conser-
vandam. 37

Tria providenda, ne spi-
rituales sint, & occasiones
amputentur. 38

Schedula, & munuscula
servenda. &c. 40

Coadjutores.

Ut juvandi. 40

Coadjutores spirituales
Collegiis praeferendi. 45

De gradu Coadjutorum
non abesse loquendum. *ibid.*

Conferentia.

Quae conferentiae haberi
debet. 8

Confessarii.

Confessarii nostrorum de
quibus monendi. 41

Difficultas.

Difficultas ex parte sub-
ditorum. 22

In rebus externis occupa-
tio. 16

Causa distractionis. 26

Executio.

E Xecutionis defectus. 7
& 21.

Executionis vis à quibus
pendet. 7

Executioni incumben-
dum. 20

Exemplum.

Defectus boni exempli.

19 Exercitia spiritualia.

Frequens usus exercitio-
rum. 25

Nostri praeferendi ad ex-
ercitia hortandi. 47

Exhortatio.

Exhortationibus animan-
di. 25

Seria exhortationes de
examinanda conscientia.

ibid.

Exhortationes de silentio.

D

Ge-

I N D E X

Generalis		Industriae.	
De quibus monendus. 9		Industriarum utilitas. 9	
Gradus.		Intercessiones.	
G	Raduum difficultas.	Intercessiones moderan-	
	42	da.	31
Servanda pro gradibus.		Non reformidandi re-	
43		cursus.	32
Qua circa tempus propo-		Lectio spiritualis.	
nendi.		ibid.	
Quid cum minus proba-		E	Xtraordinarium tem-
ta virtutis.		pus detur lectioni.	26
ibid.		Medicina spiritualis.	
Ut exercendi, ad professio-		I	Gnoratio spiritualiter
nem minus idonei.		medendi.	18
44		Obedientia.	
De gradu Coadjutorum		I	N obedientia proficien-
non abiecte loquendum.		dum, & quomodo.	29
45		Causa inobedientiae.	32
Coadjutores spirituales		Vnde fit minus suavis.	
proficiendi Collegiis.		ibid.	
Qua humilitas necessaria		33.	
ad gradus.		Oratio.	
45		Potissima cura in oratio-	
Antiquiores ut disponen-		ne	24.
di pro gradu.		Promovenda media.	ibid.
ibid.		Exigenda ratio in oran-	
Ad exercitia spiritualia		do.	25
hortandi.		Ordinationes.	
47		Ordinationum varietas.	
Sincera informationes insti-		7.	
tuenda.		Ordinationum frequens	
ibid.		lectio.	23
Horae considerationis		Provincialis.	
P	Erfunctoria obitio.		
15		E	lus Admonitori quid
Impatientia		præstandum.	23
I	N perferendo.		Re-
18			
Indulgentia.			
Nimis indulgentia.			
21			
Remissionis dæmonia.			
23			

R E R V M.

Recreatio.		Exasperant acriori correp-	
R	Ecreationes religiose	tione.	ibid.
	obcantur.	28	Ignorantia Superioris. 13
	Superiores.		Exigua cura interni cul-
E	Rrata Superiorum.	9	tus. 9
	Ignorant subditorum		Superioribus cohibendi
	morbos.	10	defectus. 33
	Negligunt, fovant dissi-		— Visitatio. 33
	mulando.	11	—
	Augent placendi studio.		Q Va in visitatione le-
12			genda. 8
			Que inquirenda. ibid.

F I N I S.